

Broj: 08-02-2-205/2025
Sarajevo, 05.05.2025. godine

VLADA FEDERACIJE BOSNE I HERCEGOVINE
n/r Sekretar Vlade Edita Kalajdžić

PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r Predsjedavajući Dragan Mioković

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno:		08-05-2025	
Org. jed.	Priloga	Vrijednost	
05h	-02-	129	125.

PREDMET: Odgovor na zastupničko pitanje, dostavlja,-

VEZA: -Akt Predsjedavajućeg Predstavničkog doma Parlamenta Federacije BiH broj: 05/1-02-199/25 od 16.04.2025. godine.
-Akt Vlade Federacije BiH broj 03-04-562-4/2025 od 22.04.2025. godine.

Aktima broj i datum naprijed navedeni, ovoj Upravi dostavljeno je zastupničko pitanje Čavalić Admira, poslanika u Predstavničkom domu Parlamenta Federacije Bosne i Hercegovine, a koje se odnosi na informaciju o broju institucija, agencija, direkcija, zavoda, javnih ustanova i drugih organizacionih jedinica na nivou Federacije Bosne i Hercegovine, sa podacima o njihovom sjedištu, razvrstanim po kantonima.

S tim u vezi, dostavljamo sljedeći odgovor:

Federalna uprava civilne zaštite (u daljem tekstu: Uprava) je samostalna federalna uprava, koja vrši upravne, stručne i druge poslove utvrđene odredbom člana 22. Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/05, 2/06, 8/06, 61/06, 80/10 – odluka US i 48/11).

Uprava ima sjedište u Kantonu Sarajevo, općina Ilidža u ulici Vitomira Lukića broj 10. Prema klasifikaciji djelatnosti razvrstana je u poslove odbrane.

Sa današnjim danom Uprava broji 195 državnih službenika i namještenika od čega su 33 državna službenika i 162 namještenika.

Privremeno postavljeni
DIREKTOR
Aldin Brašnjić

Dostavljeno:

- Naslovu
- a/a



Broj: 105-07-1-979-2/25
Sarajevo, 06.05 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
PREDSTAVNIČKI DOM
Predsjedavajući
Ul. Hamdije Kreševljakovića br. 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 08-05-2025			
Org. jed.	Broj	Priloga	Vrijednost
05/1	-02-	210	125

PREDMET: Odgovor na zastupničko pitanje, dostavlja se,-
Veza: Vaš akt broj: 05/1-02-210/25 od 16.04.2025. godine

Poštovani,

Vezano za Vaš akt broj i datum kojim nam dostavljate zastupničko pitanje gospodina Admira Čavalića, zastupnika u Predstavničkom domu Parlamenta Federacije Bosne i Hercegovine (pitanje: "Šta se radi po pitanju BiH i SEPA? Koje su preuzete aktivnosti, koji je hodogram i vremenski okvir istih?"), obavještavamo Vas sljedeće:

Centralna banka Bosne i Hercegovine (u daljem tekstu: Centralna banka) aktivno radi na ispunjavanju uvjeta i koordinaciji procesa pristupanja Jedinственom području plaćanja u eurima (SEPA).

S obzirom da se uvjeti za pristupanje SEPA-i primarno odnose na usklađivanje nacionalnog zakonodavstva (pretežno u entitetskoj nadležnosti) s relevantnom regulativom Evropske unije, Centralna banka je tokom prethodne godine, uz podršku Svjetske banke i USAID-a, organizirala više sastanaka i radionica edukativnog karaktera. Cilj navedenih aktivnosti bio je informiranje relevantnih institucija – nosilaca aktivnosti – o zakonodavnim obavezama koje je potrebno transponovati u domaći pravni okvir.

Kako bi se rad na ovom procesu formalizirao, a institucije jasno zadužile za ispunjenje konkretnih kriterija, Centralna banka je inicirala osnivanje Koordinacionog odbora za SEPA, koji okuplja predstavnike nadležnih institucija i organizacija.

U ime Bosne i Hercegovine, Centralna banka – kao nosilac monetarne vlasti – podnosi aplikaciju za članstvo u SEPA-i. Ovo članstvo predstavlja formalni preduvjet da domaće banke mogu pristupiti SEPA platnoj infrastrukturi.



Koordinacioni odbor čine imenovani predstavnici:

- entitetskih ministarstava finansija,
- entitetskih agencija za bankarstvo,
- Udruženja banaka BiH,
- Centralne banke BiH.

Koordinacioni odbor je usvojio **Plan aktivnosti**, koji se sastoji od dvije glavne komponente:

1. Usklađivanje zakonodavstva sa EU regulativom, i to u sljedećim oblastima:

- finansije, bankarstvo, platni promet i sistemi, platne usluge,
- sprečavanje pranja novca i finansiranja terorizma,
- konkurencijsko pravo, međunarodno privatno pravo itd.

Nadležnost za zakonske izmjene je podijeljena:

- **Entitetske institucije** (Ministarstvo finansija FBiH, Agencija za bankarstvo FBiH, Ministarstvo finansija i Agencija za bankarstvo RS) su zadužene za usklađivanje propisa iz njihove nadležnosti.
- **Državne institucije** (Konkurencijsko vijeće BiH, Ministarstvo sigurnosti BiH, Ministarstvo vanjskih poslova BiH, Ministarstvo pravde BiH, Direkcija za evropske integracije) sarađuju s Centralnom bankom u okviru državnih nadležnosti.

Centralna banka je već održala niz sastanaka s navedenim institucijama kako bi se analiziralo trenutno stanje i definisali dalji koraci.

2. Ispunjavanje tehničkih uvjeta za pristup SEPA infrastrukturi:

Centralna banka je zadužena za dogradnju platnog sistema u BiH, čime će se omogućiti tehnička interoperabilnost s SEPA standardima. U saradnji s Udruženjem banaka BiH provodi se i priprema komercijalnih banaka za prilagođavanje tehničkim zahtjevima SEPA-e.

Koordinacioni odbor se sastaje svaka dva mjeseca, a po potrebi i češće, radi izvještavanja o napretku po pojedinim zadacima.

S obzirom na kompleksan institucionalni okvir u Bosni i Hercegovini i procedure donošenja zakona na više nivoa vlasti, dinamika procesa je sporija od planirane. Ipak, uspostavljena je institucionalna koordinacija koja bi, uzimajući u obzir višestruke koristi SEPA-e za građane i privredu, trebala omogućiti da se aplikacija za pristupanje preda Evropskom platnom vijeću do kraja tekuće ili početkom naredne godine.

Za uspješan završetak procesa nužni su zajednički naponi svih nadležnih institucija i politička volja svih nivoa vlasti.

U tom kontekstu, pozivamo Vas i ostale zastupnike da svojim djelovanjem doprinesete ubrzanju procesa usvajanja zakona iz nadležnosti Federacije BiH koji su potrebni za pristupanje SEPA-i.

S poštovanjem,

Dostaviti:

- Naslovu i
- a/a.



dr. Jasmina Selimović
GUVERNERKA
dr. Jasmina Selimović